

dum sit. Cum enim favor matrimonii adeò prægnans sit, ut etiam Matri filium ex adulterio conceptum esse dicenti, non credatur, per communem Dd. opinionem ad *l. f. ff. de probat.* quia semper is filius legitimus dicitur, quem nuptiæ demonstrant *l. 6. ff. de bis qui sui vel alien. l. 11. §. 9. ff. ad L. Jul. de adult.* Ideò facile erit concludere, quantò potius Matri filium suum asserenti credatur. Tantum enim abest, ut non tantum suus præsumatur, ut potius sine ulla confessione, suus esse omninò credatur.

### §. XXII.

Simili modo si de errante quærat, an is confessione sua etiam sibi præjudicet? distingvendum est, hoc modo: Aut error committitur juris, aut facti? Juris error est vel juris naturæ & Gent. qui neminem excusat *l. 2. C. de in jus voc. §. 1. Inst. de obl. quæ ex delict.* vid. Wesenb. *de Jur. & fact. ign. §. 4.* In jure civili si error admissus sit, non proderit confitenti, præsertim in lucro captando, vid. *l. 7. 9. ff. de Jur. & fact. ignor.* nisi 1. in juribus difficilioribus & reconditis, *Berl. p. 2. Concl. 22. n. 4.* 2. à personis, quibus in jure connivetur, erratum fuerit, uti sunt Minores, Milites &c. *d. l. 9. J. Cujac. ad L. 37. de Min. & Lib. 1. Obs. 39. Lib. 14. Obs. 33.* Statutum autem ignorare, potius facti, quam juris erit, ratio, quia facti est, quando à jure communi receditur, *c. 1. de constit. in 6.* Uno verbo: Ignorantia juris nocet quidem in re amissa, secus tamen in amittenda, vid. cit. *l. 7. 9. pr. ff. de Jur. & fact. ign.* Facti ignorantia vel est alieni vel proprii. In hoc qui errat, excusationem non meretur, nisi de damno vitando sit quæstio, ut si v. g. per errorem aliquis indebitum solverit, *l. 22. §. 1. de cond. indeb. Carpz. p. 2. Const. 28. def. 21. n. 5.* ita non nocet error calculi, *l. 47. §. 1. de pact. l. 7. de confess. Geil. L. 2. O. 48. n. 20.* Si verò in facto alieno erraverint,

riat,